

### De monte Moria.

Oria est mons in Hierusalē in quo edificatum est templum Salomonis. sicut dicitur. ij. Paralip. ij. Hunc enim montem emit dauid ab ornā iebuseo sexcentis siclis auri purissimi. vt in eo edificaret altare domino. quando pro numeratione quā fecerat populus est percussus. vt habetur primi Para-

lipomenon. xxi.

In hoc monte immolauit domino et orauit. et exaudiuit illum dominus de celo in igne super altare holocausti.

In hoc monte obtulit Abraam holocaustum pro Isaac. quē dominus precepit ibidē immolari. vt habetur Genesis. xxij. vbi dicit glosa Hieronymi super illud verbū. vade in terram visionis et offer filium tuū super vnum montium etc. Hunc montē hebrei dicunt esse illum in quo postea templū cōditum est in area ornā iebusei in monte moria. qui iccirco illuminans et lucens interpretat. quia ibi est dābir hoc est oraculum dei. et lex. et spiritus qui inspirat prophetas. et docet homines veritatem. hucusq; Hieronimus in eodem loco creditur Jacob dormiuisse et ascendentiū angelorū per scalam vidisse visionem. vt patet Genesis. xxviii. vbi dicit glosa super illud verbū. Nō est hic aliud nisi domus dei etc. hoc dicitur quia preuidit templū et dei cultum ibidem futurū. Fuit autē iste locus collis a latere montis Syon vbi edificata est postea turris Dauid. vnde ptz et predictis q; mons mozea fuit mons visionis et reuelationis. mons sacrificij et orationis. mons prophetie et instructionis. mons luminis siue illuminatōis. mons angelice frequentationis. mons diuine apparitōis. mons misericordie et p̄piciationis.

### De monte Oliueti.

Ons oliueti est mons in iudea iuxta Hierusalē sic dictus. propter copiam oliuarum que in monte illo maxime abundant. Et ideo ab Augustino vocatur mons crismatis et vnctionis. mons luminis. mons pinguedinis et refectōnis. et mons medicaminis et curationis. Et hoc dicit ppter oliuarum ibi crescentium abundantiam. quarū fructus est vnctuosus. luminosus et delitiosus. quia vt dicit Isidorus. Oleum oliue ex radice amaritudine surgit in pabulū luminis. in medicamen vulnerū. et in refectōne esurientis. In huius montis oliuarū radice siue pede fluit riuulus qui dicitur torrens cedron. inter cuius montem et ripam fuit ortus. quē dominus orationis et quietis gratia sepius frequentauit et subintrauit. vnde et ibi captus fuit primo in orto qui gethsemani dicitur. vt dicitur Jo. xij. Ibi enim scz in pede montis fuerat quondā villula dicta gethsemani. cuius ortū tunc temporis adhuc ibi erant vt dicit Augustinus. Et illoꝝ locum ortorū dominus ex cōsuetudine frequentabat. Hic autem mons fuit ad orientalem partē templi. et ideo mane illuminabatur sole oriente. de vespere vero et de nocte illustrabatur ex fulgore a luminaribus templi resplendente. Et ideo merito mons luminis dicebatur. tum quia a celo et a templo lumen recipiebat tum etiā quia lucis materiā olei sui abundantiam alijs impendebat. vt dicit Augustinus. In hoc monte erat quidam viculus nomine bethphage. qui sacerdotum erat. in cuius montis latere erat ciuitas dicta Bethania. que fuit ciuitas Barthez lazari et marie. vt dicit glosa super mattheū. xxi. De hoc monte dñs celos ascendit. et super eundē montem ad iudicium apparebit. vt patet in actibus apostolorū primo capitulo. In hoc monte edificauit Salomon delubra excelsa vt patet. ij. Regum. x. Et ideo vocatus est mons oliue et p̄piciationis. mons offensionis. iij. Regum. xxiiij. scz quia in illis idolis offendit Salomon deum suum.

### De monte Ebron.

Ebron mons est in iudea. in quo sita erat vetus ciuitas olim quidem famosissima. hodie autem desolata. ab eiusdem montis nomine Ebron dicta. cuius vallis dicitur Hambze. iuxta quā est alia ciuitas dicta nona Ebron secus speluncam duplicem exstructa. Mons autem iste et ciuitas Ebron iure meritoq; vniuersis solennis habetur et per celeberris ratione sanctorū patriarcharū quorum



corpora ibidem quasi a mundi principio requiescant. Est etenim ciuitas ipsa antiquissima. Nam ebron septem annis ante thammī vrbem egipti cōdita est. vt habet Numeri xiiij. Illum q̄q̄ montē potentissimi et fortissimi viri iure hereditario possederūt. vt patet Josue. xv. vbi inter cetera ita dicitur. Deleuit ex ea caleph filius Enach Sezei et Achiman et Tholmay de stirpe enach &c. In hoc monte tanq̄ in loco tutiori dñs principiū regni dauid instituit. et ei illac ascendere post mortē saulis iussit. vbi septem annoz spacio regnans. tandē ad totius regni Hierusalē fastigiū assumptus fuit. Iste mons ab antiquis Cariatharbe fuit primus nuncupatus. id est ciuitas quattuor qz nominatissimorum virozū quattuor corpora ibidem requiescūt. scz Adam Abrahā Isaac et Jacob. vt dicit Hieronymus. Ibi et vxores eoz famose mulieres sepulte sunt vicz Eua Sara Rebecca et Lea. In spelunca h̄ omnes recondit duplici que respicit mambre. quam emittit Abrahā a filijs seth. vt habet Genesis. xxij. Illuc sarraceni sepe vadunt peregrinatum. muschkeam insigne ibi habentes. nec aliquē siue christianū siue iudeum ingredi illā sinunt. Verū per quandā fenestrā sepultura illa cōspici potest.

#### De monte Bethel

Montes bethel sunt in iudea vicini Hierusalē. vbi dom⁹ dñi fuit sub Salomone edificata. Sunt autē montes bethel nemorosi arboribz cōstiti. fertiles et fecundi. graminiibus et herbis aromaticis pleni. et ideo cerui capree et bynoli. frequētare illoz montiū cacumina sunt cōsueti.

#### De monte Sylo.

Dñs sylo qui hodie ad sanctū Samuelē dicit. altior est omnibus montibz in terra sancta existentibz per circumitiū. et quantum ad summū supereminet vniuersis. et ibi multo fuit reseruata tempore arca federis dñi. Atqz crebro populi israel cōuentiones in eo celebrate pro diuersis causis vt in plerisqz veteris testamenti locis habetur.

#### De monte Garisim.

Garisim vt dicit Hieronymus est mons iuxta Jericho cui vicini⁹ est mons hebal ex aduerso respiciens. In his duobus montibz benedictōes et maledictōes populo intrantū terrā pmissionis pmulgebantur. vt per benedictiones prouocarent ad bonū legis amatores. per maledictiones vero terrentur decalogi transgressores. In garisim vero sex tribus nobiliores cum sacerdotibz proclamabant benedictiones. vt habetur Deutro. xxvij. capitulo. Et ideo inoleuit cōsuetudo vt mons ille haberet in veneratione a posteris. et frequentaretur causa sacrificij et orationis. Unde inter iudeos et samaritanos fuit cōtentio de loco adorationis. samaritanis pferentibus montē garisim cōuenientiorē esse ad oranduz q̄ templū in Hierusalē. iudeis cōtrariū asserentibz. vt patz Jo. iij. tam in textu q̄ in glosa.

#### De monte Hebal.

Hebal est mons trans iordanē in quo steterunt sex tribus post iordanis transitum ad maledicendū illis qui precepta decalogi nō seruarent. vt patet etiaz Deutro. xxvij. Et est mons vt dicitur caernosus et voraginosus. patiens sepius terremotū cui cōcordat interpretatio eius. nam hebal vorago interpretatur. Fuit itaqz mons maledictionis et interpretationis. in quo mala transgressoribus imprecabantur. Reputabatur etiam mons vilitatis et abiectiois. vnde et sex tribus ignobiliores scz ancillarum filij super montem hebal fuerunt ad maledicendum populo deputati. Deutronomij. xxvij.

#### De monte Quarentena.

Quarentena est mons excelsus valde iuxta Jericho. ad dimidiam leucā eundo de galgalis in Jericho. In cuius superciliū fm aliquos christus a diabolo fuit ductus. vbi ei ostendit omnia regna mundi et gloriā eozum dicens. Hec omnia tibi dabo si cadens adoraueris me. vt habetur Matthci. iij. Alij autē tradunt q̄ in alio quodam monte fuerit christus tentatus qui per tres leucas distat ab isto. existens in deserto a latere bethel et hay australi. Sed id certum habetur q̄ in isto